

全唐詩目 第二函

第九冊

王縉

裴廸

崔興宗

苑咸

丘爲

趙驊 共二卷

○ 崔顥 一卷

○ 祖詠 一卷

李頎 三卷

綦母潛 一卷

全唐詩

王縉

王縉字夏卿與兄維早以文翰著稱連應草澤及文辭
清麗科累授侍御史武部員外祿山亂選爲太原少尹
與李光弼同守太原有謀略加憲部侍郎廣德二年拜
黃門侍郎同平章事尋持節行營歷諸鎮大曆中召還
拜門下侍郎復知政事以附元載連貶刺史後除太子
賓客留司東都詩八首

古離別

下階欲離別相對映蘭叢含辭未及吐淚落蘭叢中高
堂靜秋日羅衣飄暮風誰能待明月迴首見牀空

青雀歌

林間青雀兒來往翩翩繞一枝莫言不解銜環報但問
君恩今若爲

同王昌齡裴廸游青龍寺曇壁上人兄院集和

兄維

林中空寂舍階下終南山高臥一牀上

一作地

迴看六合間

浮雲幾處滅飛鳥何時還問義天人接無心世界閑誰

知大隱者

一作客

兄弟自追攀

別輞川別業

山月曉仍在林風涼不絕殷勤如有情惆悵令人別

與盧員外象過霍處士興宗林亭

身名不問十年餘老大誰能更讀書林中獨酌鄰家酒
門外時聞長者車

九日作

莫將邊地比京都八月嚴霜草已枯今日登高樽酒裏
不知能有菊花無

送孫秀才

學二首一
作圭維詩

帝城風日好况復建平家玉枕雙紋簟金盤五色瓜山
中無魯酒松一作山下飯胡麻莫厭田家苦歸期遠復賒

游悟真寺

聞道黃金地仍開白玉田擲山移巨石呪嶺出飛泉猛

虎同三徑愁猿學四禪買香然綠桂乞火蹈紅一作青蓮草

色搖霞上松聲泛月邊山河窮百二世界接一作滿三千梵

宇聊憑視

一作覽

王城遂渺然霸陵纔出樹渭水欲連天遠

縣分朱郭孤村起白煙望雲思聖主披霧憶羣賢薄宦

慚尸素

一作祿

終身擬尚立誰知草菴客曾和柏梁篇

裴廸

裴廸關中人初與王維崔興宗居終南同倡和天寶後
爲蜀州刺史與杜甫李頎友善嘗爲尚書省郎詩二十
九首

青龍寺曇壁上人院集

靈境信爲絕法堂出塵氛自然成高致向下看浮雲迤
邐峰岫列參差閭井分林端遠堞見風末疎鐘聞吾師

久禪寂在世超人羣

青雀歌

動息自適性不曾妄與燕雀羣
幸忝鸛鷺早相識何時
提攜致青雲

游感化寺曇興上人山院

不遠灞陵邊安居向十年
入門穿竹徑留客聽山泉
鳥嘯深林裏心閑落照前
浮名竟何益從此願棲禪

夏曰過青龍寺謁操禪師

安禪一室內左右竹亭幽
有法知不染無言誰敢酬
鳥飛爭向夕蟬噪已先秋
煩暑自茲適一作清涼何所求

春日與王右丞過新昌里訪呂逸人不遇

恨不逢君出荷簑青松白屋更無他陶令五男曾不有
蔣生三徑枉一作相過芙蓉曲沼春流滿薜荔成帷晚露
多聞說桃源好迷客不如高臥眄庭柯

輞州集二十首

孟城坳

結廬古城下時登古城上古城非疇昔今人自來往

華子岡

落日松風起還家草露晞雲光侵履跡山翠拂人衣

文杏館

迢迢文杏館躋攀日已屢南嶺興北湖前看復迴顧

斤竹嶺

明流紆且直綠篠密復深一徑通山路行歌望舊岑

鹿柴

日夕見寒山便爲獨往客不知深林事但有麝麝跡

木蘭柴

蒼蒼落日時鳥聲亂谿水綠谿路轉深幽興何時已

茱萸泚

飄香亂椒桂布葉間檀欒雲日雖迴照森沈猶自寒

宮槐陌

門前宮槐陌是向欽湖道秋來山雨多落葉無人掃

臨湖亭

當軒彌滉漾孤月正裴回谷口猿聲發風傳入戶來

南垞

孤舟信一泊南垞湖水岼落日下崦嵫清波殊淼漫

欽湖

空闊湖水廣青熒天色同艤舟一長嘯四面來清風

柳浪

映池同一色逐吹散如絲結陰旣得地何謝陶家時

欒家瀨

瀨聲喧極浦沿涉向南津汎汎鷗鳬渡時時欲近人

金屑泉

縈渟滢不流金碧如可拾迎晨含素華獨往事朝汲

白石灘

跂石復臨水弄波情未極目下川上寒浮雲澹無色

一作
鑿碧

北垞

南山北垞下結宇臨歛湖每欲采樵去扁舟出菰蒲

竹里館

來過竹里館日與道相親出入唯山鳥幽深無世人

辛夷塢

綠堤春草合王孫自留翫况有辛夷花色與芙蓉亂

漆園

好閑早成性果此諧宿諾今日漆園遊還同莊叟樂

椒園

丹刺罨人衣芳香留過客幸堪調鼎用願君垂采摘

輞口遇雨憶終南山因獻王維

積雨晦空曲，平沙滅浮彩。輞水去悠悠，南山復何在。

○崔九欲往南山，馬上口號與別。

一作留別王維

歸山深淺去，須盡丘壑美。莫學武陵人，暫遊桃源裏。

與盧員外象過崔處士興宗林亭

一本無與盧員外象六字

喬柯門裏自成陰，散髮牕中曾不簪。逍遙且喜從吾事，榮寵從來非我心。

西塔寺陸羽茶泉

統載云此詩楊慎以爲見之石刻然羽自在大曆後則非廼詩矣

竟陵西塔寺蹤跡尚空虛，不獨支公住。曾經陸羽居，草堂荒產蛤。茶井冷生魚，一汲清泠水。

一作飯

高風味有餘。

崔興宗

崔興宗與王維裴迪俱居終南後官右補闕詩五首

同王右丞送瑗公南歸

行苦神亦秀泠然谿上松銅瓶與竹杖來自祝融峰常
願入靈嶽藏經訪遺蹤南歸見長老且爲說心胸

青雀歌

青鳬繞青林翩翹陋體一微禽不應常在藩籬下他日
凌雲誰見心

和王維敕賜百官櫻桃

未央朝謁正逶迤天上櫻桃賜此時朱實初傳九華殿
繭花舊雜萬年枝一作全勝晏子江南橘莫比潘家大谷
梨聞道今人好顏色神農本草自應知

留別王維

駐馬欲分襟，清寒御溝上。前山景氣佳，獨往還惆悵。

酬王維盧家見過林亭

窮巷空

一作

林常閉關，悠然

一作

獨臥對前山。今朝忽枉嵇

生駕，倒屣開門遙解顏。

苑咸

苑咸成都人，舉進士，登第爲李林甫書記。開元末，上書拜司經校書中書舍人，嘗爲孫逖草除庶子詔，議者以爲知言。王維嘗謂舍人能書梵字，兼達梵音，曲盡其妙。詩二首。

送大理正攝御史判涼州別駕

天子念西

一作邊

疆咨君去不遑垂銀棘庭即持斧柏臺綱

雪下天山白泉枯塞草黃佇聞河隴外還繼海沂康

酬王維

并序

王員外兄以予嘗學天竺書有戲題見贈然王兄
當代詩匠又精禪理枉采知音形於雅作輒走筆
以酬焉且久未遷因而嘲及

蓮花梵字本從天華省仙郎早悟禪三點成伊猶有想
一觀如幻自忘筌爲文已變當時體入用還推間氣賢
應同一作知羅漢無名欲故作馮唐老歲年

佛書伊字如草書下字
涅槃經何等名房祕密

藏如六字三
點別則不成

丘爲

丘爲蘇州嘉興人事繼母孝常有靈芝生堂下累官太子右庶子致仕給俸祿之半以終身年八十餘母尚無恙及居憂觀察使韓滉以致仕官給祿所以惠養老臣不可在喪而異惟罷春秋羊酒卒年九十六與劉長卿善其赴上都也長卿有詩送之亦與王維爲友詩十三首

尋西山隱者不遇

一作山行尋隱者不遇

絕頂一茅茨直下三十里扣關無僮僕窺室唯案几若非巾柴車應是釣秋水差池不相見詎勉空仰止草色新雨中松聲晚隱裏及茲狎幽絕自足蕩心耳

一本無此三句雖

一作子夫

題農父廬舍

東風何時

一作處

至已綠湖上山湖上春已

一作既

早田家日不

閉溝塍

一作壑

流水處耒耜平蕪間薄暮飯牛罷歸來還閉

關

泛若耶谿

結廬若耶裏左右若耶水無日不釣魚有時向城市溪
中水流急渡口水流寬每得樵風便往來殊不難一川
草長綠四時那得辨短褐衣妻兒餘糧及雞犬日暮鳥
雀稀稚子呼牛歸佳處無鄰里柴門獨掩扉

湖中寄王侍御

日日湖水上好登湖上樓終年不向郭過午始梳頭嘗